

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 23 MAC 2016, PUKUL 10.00 PAGI

Bil. 11

PERTANYAAN-PERTANYAAN BAGI JAWAB LISAN

1. PR-1341-L73426
Datuk Wira Haji Ahmad bin Hamzah [Jasin] minta **MENTERI PEMBANGUNAN WANITA, KELUARGA DAN MASYARAKAT** menyatakan persediaan menghadapi status negara tua menjelang 2030 terutamanya dari keperluan tenaga kerja, isu kekurangan wang tabungan, infrastruktur dan pusat penjagaan untuk warga tua.
2. PR-1341-L72945
Puan Teo Nie Ching [Kulai] minta **MENTERI PENDIDIKAN** menyatakan sama ada pihak sekolah atau PIBG berhak untuk memasukkan kelas komputer dalam silibus dan mewajibkan ibu bapa untuk membayar fi tuisyen kelas komputer tersebut.
3. PR-1341-L71610
Datuk Sapawi bin Ahmad Wasali [Sipitang] minta **MENTERI PERTANIAN DAN INDUSTRI ASAS TANI** menyatakan sejauh mana keberhasilan kajian yang dijalankan mengenai skim insurans yang hendak diperkenalkan untuk membantu pesawah yang mengalami kerugian akibat bencana alam.
4. PR-1341-L71849
Dato' Johari bin Abdul [Sungai Petani] minta **PERDANA MENTERI** menyatakan :-
 - (a) berapakah jumlah pelaburan yang telah berjaya ditarik oleh Taman Industri Kuantan Malaysia-China (MCKIP), setakat ini; dan
 - (b) adakah tanah bagi pembangunan itu milik Kerajaan Persekutuan, negeri atau tanah persendirian.
5. PR-1341-L72430
Datuk Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan setakat ini berapakah yang sudah menyertai Program Transformasi PLKN 2.0 dan apakah keistimewaan program ini berbanding program-program PLKN sebelum ini.

6. PR-1341-L72287
Dr. Haji Izani bin Haji Husin [Pengkalan Chepa] minta **MENTERI PENDIDIKAN TINGGI** menyatakan masalah sebenar mengapa Kementerian tidak meluluskan permohonan Kolej Islam Antarabangsa Sultan Ismail Petra (KIAS) untuk menjadikan KIAS berstatus Kolej Universiti.
7. PR-1341-L73475
Tuan Haji Ahmad Nazlan bin Idris [Jerantut] minta **MENTERI SUMBER ASLI DAN ALAM SEKITAR** menyatakan berapakah pusat pembiakan baka hidupan liar yang terdapat di Semenanjung Malaysia dan langkah-langkah yang diambil bagi memastikan kesihatan, keselamatan dan kebajikan hidupan liar tersebut.
8. PR-1341-L71720
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
 - (a) usaha Kerajaan dalam membantu meningkatkan infrastruktur institusi-institusi pembangunan insan khususnya pondok-pondok pengajian tahfiz bagi menjadikan institusi tersebut sebagai pondok moden; dan
 - (b) jumlah peruntukan serta kemudahan ruang tanah yang diberikan oleh Kerajaan bagi melaksanakan agenda ini.
9. PR-1341-L72741
Dr. Ismail bin Daut [Merbok] minta **MENTERI WILAYAH PERSEKUTUAN** menyatakan status semasa Projek 'River of Life' serta jangkaan tempoh masa bagi projek tersebut disiapkan.
10. PR-1341-L73381
Dato' Dr. Nik Mazlan bin Nik Mohamad [Pasir Puteh] minta **MENTERI PENDIDIKAN TINGGI** menyatakan sejauh manakah Kementerian memantau para pelajar asing yang berpotensi menyumbang kepada peningkatan kadar jenayah dalam negara.
11. PR-1341-L72757
Tuan Che Mohamad Zulkifly bin Jusoh [Setiu] minta **MENTERI KESIHATAN** menyatakan sama ada untuk mengharamkan penggunaan surat khabar dan majalah sebagai pembalut makanan, sesuai dengan etika pengendalian makanan sedia ada memandangkan bahan - bahan tersebut boleh membahayakan kesihatan pengguna.
12. PR-1341-L72673
Tuan Shamsul Iskandar bin Mohd Akin [Bukit Katil] minta **MENTERI PENDIDIKAN** menyatakan apakah Kementerian mempunyai pelan menjamin peluang pendidikan bagi anak-anak Orang Kurang Upaya (OKU) dan mewajibkan Pelan Pendidikan Individu buat pelajar OKU sebagaimana yang dilakukan oleh Kerajaan Amerika Syarikat melalui Akta IDE (*Individuals With Disabilities Education Act*).

13. PR-1341-L73054
Dato' Shamsul Anuar bin Haji Nasarah [Lenggong] minta **MENTERI PENDIDIKAN** menyatakan apakah langkah proaktif yang telah dirancang oleh Kementerian dalam memastikan tahap keselamatan serta kemudahan yang disediakan di sekolah seluruh negara menepati piawaian yang ditetapkan.
14. PR-1341-L72602
Tuan Chua Tian Chang @ Tian Chua [Batu] minta **MENTERI KEMAJUAN LUAR BANDAR DAN WILAYAH** menyatakan apakah rancangan dan tindakan yang akan diambil pihak Kementerian untuk menyelesaikan isu pembiayaan MARA untuk pelajar di UniKL. Bagaimana pula pelajar-pelajar yang telah berhenti pengajian disebabkan isu pembiayaan ini.
15. PR-1341-L73603
Dato' Sri Hasan bin Malek [Kuala Pilah] minta **MENTERI WILAYAH PERSEKUTUAN** menyatakan sejauh mana pihak Kementerian memantau pemberian lesen kepada penaja warga asing yang dilihat telah mendominasi kawasan utama perniagaan terutamanya di Kuala Lumpur. Apakah tindakan oleh pihak Kementerian kepada warga tempatan yang menyewakan lesen mereka atau Ali Babakan lesen mereka kepada warga asing ini.
16. PR-1341-L71705
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan mengesahkan tarikh sebenar Akta Veteran 2012 akan diisytiharkan dikuatkuasakan sebagaimana dimaklumkan dalam jawapan bertulis sesi Parlimen yang lepas.
17. PR-1341-L72507
Datuk Haji Shabudin bin Yahaya [Tasek Gelugor] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah usaha Kementerian dalam menangani kegiatan pengusaha makanan yang mempamerkan tanda "TIADA BABI" seolah-olah makanan yang disediakan di premis tersebut berstatus halal.
18. PR-1341-L72495
Dr. Ong Kian Ming [Serdang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan status terkini untuk keempat-empat insinerator yang di Pulau Pangkor, Pulau Langkawi, Pulau Tioman dan Cameron Highlands termasuk sebab-sebab Kementerian menamatkan kontrak pengendalian dan penyelenggaraan insinerator Pulau Pangkor yang dipegang oleh Syarikat XCNT dan apakah implikasi kewangan terhadap Kerajaan Persekutuan, negeri dan tempatan, masing-masing.
19. PR-1341-L71655
Dr. Noor Azmi bin Ghazali [Bagan Serai] minta **MENTERI SUMBER ASLI DAN ALAM SEKITAR** menyatakan apakah tindakan Kementerian untuk merealisasikan Kuala Gula sebagai satu Tapak Ramsar memandangkan Kementerian baru-baru ini telah menyatakan untuk membantu negeri Perak mengkaji membangunkan santuari burung di hutan paya bakau Kuala Gula dan apakah usaha serta bajet yang diperuntukkan untuk memantau semua

Tapak Ramsar di negara contohnya Tasek Bera dan Tanjung Piai supaya dipulihara dan digunakan secara lestari.

20. PR-1341-L72632

Puan Nurul Izzah binti Anwar [Lembah Pantai] minta **MENTERI DALAM NEGERI** menyatakan :-

- (a) senarai syarikat dan industri yang menggemukakan permohonan tambahan pekerja 1.5 juta pekerja asing. Senaraikan mengikut nama syarikat dan industri berkait; dan
- (b) jumlah peruntukan Kerajaan untuk Program 6P (Program Penyelesaian Menyeluruh Pekerja-Pendatang Asing Tanpa Izin) dan kadar keberkesanan program.

21. PR-1341-L72543

Dato' Haji Mohd Fasih bin Haji Mohd Fakeh [Sabak Bernam] minta **MENTERI KESIHATAN** menyatakan langkah dan tindakan yang lebih berkesan Kerajaan dalam menangani peningkatan kes denggi di seluruh negara kini mencecah 15,251 kes bagi tempoh 1 Januari hingga 2 Februari 2016 lalu berbanding 13,252 kes termasuk Selangor yang mencatat demam denggi tertinggi dengan 7,355 kes dengan 12 kematian dalam tempoh yang sama tahun lalu dan langkah Kerajaan bagi mengelakkan virus Zika dari merebak ke negara ini.

22. PR-1341-L72078

Tan Sri Dato' Seri Abd Khalid bin Ibrahim [Bandar Tun Razak] minta **MENTERI PERDAGANGAN ANTARABANGSA DAN INDUSTRI** menyatakan ranking antarabangsa terkini produktiviti tenaga kerja Malaysia menurut pelbagai piawai serta pelan tindakan strategik bagi merapatkan jurang antara paras semasa negara dan penanda aras global (USD41,649) iaitu pencapaian Amerika Syarikat pada 1980.

23. PR-1341-L72258

Dato' Hasbullah bin Osman [Gerik] minta **MENTERI PELANCONGAN DAN KEBUDAYAAN** menyatakan apakah usaha-usaha yang telah dijalankan untuk menyelaraskan program-program pelancongan antara negeri-negeri bagi mempromosikan Malaysia di mata pelancong seluruh dunia.

24. PR-1341-L73593

Tuan Oscar Ling Chai Yew [Sibu] minta **PERDANA MENTERI** menyatakan bagaimana Kerajaan Persekutuan memastikan Malaysia mengamalkan "*Federation of Nations*", dan Malaysia tidak akan menjadi "*A Nation-State*".

25. PR-1341-L73528
Datuk Dr. Ewon Ebin [Ranau] minta **MENTERI SUMBER ASLI DAN ALAM SEKITAR** menyatakan apakah tindakan yang telah diambil oleh pihak Kementerian bagi mengatasi masalah takungan air berasid (*Acid Mine Drainage-AMD*) di bekas lombong tembaga Mamut, yang boleh menjejaskan kesihatan dan keselamatan 20,000 orang penduduk setempat sekiranya air tersebut mengalir ke sumber bekalan air mereka atau berlaku kecelakaan alam semula jadi.
26. PR-1341-L73440
Dato' Haji Mahfuz bin Omar [Pokok Sena] minta **MENTERI DALAM NEGERI** menyatakan :-
- (a) berapakah nilai harga seunit *Alat Automated Number Plate Recognition (ANPR)* dan alat *Mobile Compound Online Payment System (MCOPS)*. Nyatakan nama syarikat yang membekal Alat ANPR dan MCOPS pada PDRM, adakah dibekal secara runding terus atau tender terbuka; dan
 - (b) hingga kini berapa jenis alat kamera yang digunakan PDRM untuk mengesan kesalahan trafik dan nama jenis kamera tersebut.
27. PR-1341-L72331
Dato' Haji Zainudin bin Ismail [Jelebu] minta **MENTERI KEMAJUAN LUAR BANDAR DAN WILAYAH** menyatakan sejauh manakah bantuan persekolahan di bawah program bantuan sekolah transformasi Bumiputera 2016 telah berjaya membantu meringankan kos sara hidup rakyat dan bagaimana pula cara ia diagihkan kepada golongan sasaran.
28. PR-1341-L71752
Dr. Azman bin Ismail [Kuala Kedah] minta **MENTERI PERTANIAN DAN INDUSTRI ASAS TANI** menyatakan :-
- (a) perkembangan Projek Ikan Tuna di Tebengau, Parlimen Kuala Kedah; dan
 - (b) apakah segala faktor kegagalan projek-projek tuna sebelum ini telah diambil kira.
29. PR-1341-L72712
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PEMBANGUNAN WANITA, KELUARGA DAN MASYARAKAT** menyatakan usaha Kementerian dalam membasmi kes peminta sedekah yang melibatkan kanak-kanak dan orang tua yang cuba dimanipulasi oleh pihak tertentu dan mengapakah gejala ini masih lagi berleluasa serta adakah Kementerian ingin mengkaji hukuman lebih berat kepada pihak yang memanipulasi ini.

30. PR-1341-L72621
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan rancangan serta pendekatan oleh Kerajaan untuk memutihkan pendatang asing tanpa izin (PATI) dan pendatang asing dengan izin supaya mereka boleh diserapkan sebagai tenaga kerja di Malaysia tanpa membawa masuk 1.5 juta pekerja asing dari Bangladesh.
31. PR-1341-L73194
Datuk Rozman bin Isli [Labuan] minta **MENTERI PERDAGANGAN ANTARABANGSA DAN INDUSTRI** menyatakan adakah perancangan pihak Kementerian untuk menubuhkan pejabat MITI di Labuan bagi mempercepatkan proses permohonan dan sebagainya bagi meningkatkan status pulau ini sebagai hub minyak dan gas, pusat perniagaan rantau ini dan pusat kewangan antarabangsa.
32. PR-1341-L73201
Dato' Seri Abdul Hadi bin Awang [Marang] minta **MENTERI KEMAJUAN LUAR BANDAR DAN WILAYAH** menyatakan apakah komitmen Kerajaan Malaysia untuk menyeimbangkan pembangunan luar bandar dan pedalaman di negeri-negeri Pantai Timur dan Malaysia Timur berbanding dengan negeri-negeri lain.
33. PR-1341-L73519
Datuk Koh Nai Kwong [Alor Gajah] minta **MENTERI DALAM NEGERI** menyatakan sama ada kenaikan kadar levi untuk pekerja asing mahupun Program Pengajian dan Penempatan Semula Pendatang Asing Tanpa Izin dapat memastikan tenaga kerja di negara ini benar-benar membantu meningkatkan produktiviti negara.
34. PR-1341-L72923
Tuan Mohd Rafizi bin Ramli [Pandan] minta **PERDANA MENTERI** menyatakan susut nilai sekuriti sedia terjual (*changes of fair value of securities available for sale*) yang dicatat Tabung Haji bagi tahun kewangan 2015 mengikut penyata kewangan pengurusan (*management accounts*) berakhir 31 Disember 2015.
35. PR-1341-L72772
Tuan Julian Tan Kok Ping [Stampin] minta **MENTERI SUMBER ASLI DAN ALAM SEKITAR** menyatakan secara terperinci langkah-langkah yang akan diambil oleh Kerajaan dalam mengatasi banjir yang dialami seperti yang melanda Kuching pada bulan Februari 2016. Senaraikan jika ada, langkah yang akan diambil dari segi jenis projek, kos, jangka masa siap mahupun perlaksanaan.
36. PR-1341-L72571
Tuan V. Sivakumar [Batu Gajah] minta **MENTERI PERDAGANGAN ANTARABANGSA DAN INDUSTRI** menyatakan jumlah pelaburan luar negara yang memasuki negeri Perak sejak tahun 2011 sehingga 2015 mengikut tahun. Berikan secara terperinci pecahan sektor-sektor ekonomi yang menerima aliran masuk pelaburan asing di negeri Perak.

37. PR-1341-L73040
Tuan Loke Siew Fook [Seremban] minta **PERDANA MENTERI** menyatakan butir-butir terperinci semua kos yang perlu ditanggung oleh Kerajaan yang melibatkan pesawat-pesawat khas untuk kegunaan Perdana Menteri bagi tahun 2015.
38. PR-1341-L71950
Dr. Lee Boon Chye [Gopeng] minta **MENTERI BELIA DAN SUKAN** menyatakan perbelanjaan dan kedudukan projek pengubahsuaian Kompleks Sukan Bukit Jalil.
39. PR-1341-L71856
Tuan Khoo Soo Seang [Tebrau] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah usaha yang dilaksanakan oleh Kementerian ke arah Matlamat Pelupusan Terbuka Sifar Menjelang 2020 dan adakah terdapat teknologi terbaru yang digunakan dalam pengurusan sisa pepejal.
40. PR-1341-L72439
Tuan Chong Chieng Jen [Bandar Kuching] minta **PERDANA MENTERI** menyatakan berapa perbelanjaan diperuntukkan dan dibelanjakan untuk Sarawak dalam tahun 2011 hingga 2015.
41. PR-1341-L72219
Dato' Ahmad Fauzi bin Zahari [Setiawangsa] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah Kementerian bercadang hendak melakukan Program Rumah Transit Gelandangan di bandar-bandar utama di seluruh negara seperti yang dilakukan oleh Kementerian Wilayah Persekutuan di kawasan Kuala Lumpur.
42. PR-1341-L72835
Datuk Dr. Makin @ Marcus Mojigoh [Putatan] minta **MENTERI DALAM NEGERI** menyatakan :-
- (a) berapa ramaikan jumlah individu yang telah ditahan oleh pihak berkuasa disebabkan penglibatan mereka dalam aktiviti militan IS/ Daesh, khususnya di negara Sabah ; dan
 - (b) jumlah dana asing yang dirampas oleh pihak berkuasa, yang disalurkan kepada mereka dan usaha Kerajaan untuk memerangi aktiviti militan ini demi untuk keselamatan negara.
43. PR-1341-L72710
Tuan Teo Kok Seong [Rasah] minta **PERDANA MENTERI** menyatakan secara terperinci jumlah perbelanjaan yang terlibat untuk menampung penambahan bilangan Menteri dan Timbalan Menteri selepas rombakan Kabinet pada 28 Julai 2015.

44. PR-1341-L72047
Dato' Noraini binti Ahmad [Parit Sulong] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kementerian bersedia untuk menyelaraskan cuti bersalin selama 3 bulan untuk pekerja sektor swasta seiring dengan cuti pekerja sektor awam sebagai langkah membantu para ibu menjayakan penyusuan ibu secara eksklusif selama 6 bulan seperti yang disarankan oleh Kementerian Kesihatan dan badan kesihatan antarabangsa.
45. PR-1341-L72394
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sebab Kementerian tidak menuntut sebanyak RM1.6 bilion untuk penjualan tanah Bandar Malaysia kepada 1MDB dan sebanyak RM1.1 bilion untuk pemindahan dan penaik-tarafan Pengkalan Utara Angkatan Tentera walaupun RM2.7 bilion tersebut akan dibayar oleh konsortium Iskandar Waterfront kepada 1MDB.
46. PR-1341-L73274
Tuan Haji Hasbi bin Haji Habibollah [Limbang] minta **MENTERI KEWANGAN** menyatakan :-
- (a) berapakah anggaran jumlah penyeludupan dan pengedaran arak yang diseludup dari Labuan ke Limbang berdasarkan kepada penjualan yang berleluasa di merata-rata tempat dan di tepi-tepi jalan di bandar Limbang dan di persempadanan Daerah Limbang; dan
 - (b) berapakah jumlah rampasan dan tangkapan arak seludup oleh agensi-agensi penguatkuasa negeri dan Persekutuan di Daerah Limbang dalam tiga tahun kebelakangan ini.
47. PR-1341-L72870
Tuan Sim Tze Tzin [Bayan Baru] minta **MENTERI KERJA RAYA** menyatakan sama ada Kerajaan akan menaikkan 8 tol lebuh raya selepas pindaan Bajet 2016. Bilakah dan berapa peratus kadar tol-tol tersebut dijangka akan naik.
48. PR-1341-L72658
Dato' Ngeh Koo Ham [Beruas] minta **MENTERI DALAM NEGERI** menyatakan apakah langkah-langkah yang hendak diambil untuk mengatasi masalah lebih daripada 4.0 juta pendatang asing tanpa izin yang sekarang berada di negara kita dan bagaimanakah Kerajaan boleh menjamin ia boleh mengurus 1.5 juta lagi pekerja asing Bangladesh yang akan diambil untuk bekerja di negara kita.
49. PR-1341-L72072
Tuan Tan Kok Wai [Cheras] minta **MENTERI DALAM NEGERI** menyatakan bilangan orang tanpa bernegara (*stateless*) di setiap negeri dan sebab-sebab tidak memberikan mereka kewarganegaraan meskipun mereka dilahirkan di negara ini. Berapa ramai zuriat orang tanpa bernegara yang kedua-duanya adalah orang asing dan seorang daripada ibu bapa adalah warganegara masing-masing.

50. PR-1341-L72087
Raja Dato' Kamarul Bahrin Shah [Kuala Terengganu] minta **MENTERI DALAM NEGERI** menyatakan apakah dasar Malaysia tentang penerimaan permohonan pelarian-pelarian perang Syria yang ingin meminta perlindungan di Malaysia.
51. PR-1341-L73103
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) adakah Majlis Agama Islam Wilayah Persekutuan (MAIWP) masih membenarkan CEO MAIWP memegang jawatan CEO tersebut dalam keadaan terbukti jawatan yang dipegang itu adalah *ultra vires* seksyen 14(2) Akta Pentadbiran Undang-undang Islam (Wilayah Persekutuan)1993 atau Akta 505; dan
 - (b) adakah Seri Paduka Yang Dipertuan Agong telah diberi maklumat yang betul dan sahih tentang CEO MAIWP yang *ultra* Akta 505 tersebut.
52. PR-1341-L72216
Tuan Wan Hasan bin Mohd Ramli [Dungun] minta **PERDANA MENTERI** menyatakan apakah perkembangan dan perancangan terkini tanah milik Tabung Haji di Tun Razak Exchange (TRX).
53. PR-1341-L73275
Dato' Hasan bin Arifin [Rompin] minta **PERDANA MENTERI** menyatakan statistik penerima hukuman di bawah Seksyen 3 Akta Rahsia Rasmi 1972 dan sejauhmanakah Kerajaan bersedia untuk meminda peruntukan ini bagi membolehkan penyampai dan penerima rahsia rasmi negara dikenakan hukuman yang lebih berat iaitu penjara seumur hidup.
54. PR-1341-L71949
Dr. Lee Boon Chye [Gopeng] minta **MENTERI KEWANGAN** menyatakan jumlah hasil dari GST pada tahun 2015.
55. PR-1341-L71805
Datuk Jumat bin Idris [Sepanggar] minta **MENTERI DALAM NEGERI** menyatakan apakah tahap ancaman ISIS di Malaysia dan adakah pengganas Sulu adalah sebahagian daripada ancaman tersebut.
56. PR-1341-L72521
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan langkah-langkah terkini yang telahpun diambil untuk mengekstradisi Kpl. Sirul Azhar Umar dari Australia memandangkan pendirian Menteri Dalam Negeri dalam bulan Mac 2015 bahawa rundingan proses mengekstradisi tersebut dengan kerajaan Australia akan dimulakan.

57. PR-1341-L73095
Dato' Dr. Mujahid Yusof Rawa [Parit Buntar] minta **MENTERI KEWANGAN** menyatakan adakah Kerajaan bercadang mewujudkan pembayaran gaji kakitangan awam dua kali sebulan bagi menggalakkan aliran tunai serta perkembangan ekonomi dalam negara.
58. PR-1341-L73466
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan :-
- (a) berapakah jumlah *Corporate Guarantee* yang telah diberikan oleh Tabung Haji kepada anak syarikat dan syarikat bersekutunya dari 2008 hingga 2015; dan
 - (b) adakah Tabung Haji pernah memberi *Corporate Guarantee* kepada syarikat-syarikat selain anak syarikat dan syarikat bersekutunya.
59. PR-1341-L72553
Tuan Manivanan a/l Gowindasamy [Kapar] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
- (a) langkah-langkah atau tindakan yang diambil demi memerangi gejala penipuan dalam perniagaan, seperti penipuan penjualan telefon bimbit di Plaza Low Yat dan Kompleks Kota Raya. Apakah sektor-sektor perniagaan (selain daripada penjualan telefon bimbit) yang menjadi mangsa kepada penipuan peniaga; dan
 - (b) statistik secara terperinci mengenai tindakan yang telah diambil terhadap para peniaga di bawah Akta Kawalan Harga dan Anti Pencatutan 2011, dari tempoh masa 1 Januari 2015 sehingga 31 Disember 2015.
60. PR-1341-L71763
Datuk Wee Jeck Seng [Tanjong Piai] minta **MENTERI DALAM NEGERI** menyatakan apakah justifikasi untuk menganugerahkan tugas pemprosesan permit pekerja asing kepada syarikat swasta "*Malaysia Electronic Government*" atau MyEG dan mengapa pemohon tidak diberi pilihan untuk berurusan secara terus dengan Kementerian sahaja.
61. PR-1341-L72780
Dato' Seri Dr. Wan Azizah binti Wan Ismail [Permatang Pauh] minta **MENTERI DALAM NEGERI** menyatakan adakah Kerajaan atas pertimbangan kemanusiaan bercadang membenarkan Dato' Seri Anwar Ibrahim menerima rawatan kesihatan di luar negara sebagaimana Kerajaan Maldives membenarkan mantan Presiden Mohamed Nasheed mendapat rawatan di United Kingdom dan mencadangkan pemindahan tempat tahanan beliau dari Penjara Sungai Buloh kepada tahanan rumah kediamannya di Bukit Segambut.

62. PR-1341-L73271
Dato Sri Dr. Muhammad Leo Michael Toyad Abdullah [Mukah] minta **MENTERI KEMAJUAN LUAR BANDAR DAN WILAYAH** menyatakan berapa buah Rural Transformation Centre akan dibina di Sarawak dalam RMK-11 dan nyatakan lokasi yang telah ditentukan.
63. PR-1341-L72024
Puan Hajah Fuziah binti Salleh [Kuantan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah kos keseluruhan untuk mencuci kekotoran bauksit sepanjang jalan dari Bukit Goh ke Pelabuhan Kuantan serta sekitarnya; dan
 - (b) adakah pihak Kementerian telah berjaya mengesan pihak pelombong untuk diserahkan bil mencuci tersebut.
64. PR-1341-L71994
Puan Teresa Kok Suh Sim [Seputeh] minta **PERDANA MENTERI** menyatakan bilangan rumah yang telah siap dibuat oleh Kerajaan pusat kepada mangsa banjir di Kelantan setakat Januari 2016. Sila nyatakan kos perbelanjaan untuk membuat rumah yang terlibat dan bilangan keluarga mangsa banjir yang masih menunggu rumah.
65. PR-1341-L72254
Tan Sri Datuk Seri Panglima Annuar bin Musa [Ketereh] minta **MENTERI DALAM NEGERI** menyatakan sehingga kini berapakah jumlah kumpulan ajaran sesat berunsur militan yang dikenalpasti masih bergerak aktif di negara ini dan apakah langkah proaktif bagi membendung kegiatan yang membimbangkan ini.
66. PR-1341-L72200
Puan Hajah Zuraida binti Kamaruddin [Ampang] minta **MENTERI DALAM NEGERI** menyatakan kos perbelanjaan keseluruhan dalam mengaplikasikan program pengambilan semula (*rehiring*) pekerja asing secara sah.
67. PR-1341-L73007
Dato' Seri Tiong King Sing [Bintulu] minta **MENTERI KERJA RAYA** menyatakan apakah langkah-langkah Kerajaan dalam memastikan bangunan-bangunan milik Kerajaan diselenggara dengan baik dan sentiasa dalam keadaan selamat mengikut piawaian yang ditetapkan.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbilang-bilang syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (22 Mac, 2016)

- | | | | |
|----|---------------|--|-------------------------------|
| 2. | (D.R. 2/2016) | Rang Undang-undang Perbekalan Tambahan (2015) 2016 | Bacaan Kali Yang Kedua |
|----|---------------|--|-------------------------------|

DAN

Menteri Kewangan akan mencadangkan :-

"Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak tiga ratus sembilan puluh satu juta empat ratus enam puluh ringgit (RM391,000,460) diperuntukkan daripada Kumpulan Wang Pembangunan bagi tahun kewangan 2015 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2015 yang dibentangkan sebagai Kertas Perintah 3 Tahun 2016 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut."

- | | | | |
|----|----------------|--|-------------------------------|
| 3. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
|----|----------------|--|-------------------------------|

[Menteri Sumber Manusia]

- | | | | |
|----|----------------|----------------------------------|---|
| 4. | (D.R. 30/2015) | Rang Undang-undang Syarikat 2015 | “ |
|----|----------------|----------------------------------|---|

[Menteri Perdagangan Dalam Negeri, Koperasi dan Kepenggunaan]

5. (D.R. 29/2015) Rang Undang-undang Skim Kepentingan 2015. “
[Menteri Perdagangan Dalam Negeri, Koperasi dan Kepenggunaan]
6. (D.R. 34/2015) Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. “
[Menteri Dalam Negeri]
7. (D.R. 37/2015) Rang Undang-undang Profesion Undang-undang (Pindaan) 2015 “
[Menteri di Jabatan Perdana Menteri]
8. (D.R. 39/2015) Rang Undang-undang Kanak-Kanak (Pindaan) 2015 “
[Menteri Pembangunan Wanita, Keluarga dan Masyarakat]
9. (D.R.9/2015) Rang Undang-undang Kanun Tatacara Jenayah (Pindaan) 2015 “
[Menteri di Jabatan Perdana Menteri]
10. (D.R.12/2015) Rang Undang-undang Keterangan (Pindaan) 2015 “
[Menteri di Jabatan Perdana Menteri]
11. (D.R.1/2016) Rang Undang-Undang Bekalan Gas (Pindaan) 2016 “
[Menteri di Jabatan Perdana Menteri]
12. (D.R.35/2015) Rang Undang-undang Persaingan (Pindaan) 2015 “
[Menteri Perdagangan Dalam Negeri, Koperasi dan Kepenggunaan]

13. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur

sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebih dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

14. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

15. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama

di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

16. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

17. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

18. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

19. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

20. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

21. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

22. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia.

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

23. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

24. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

25. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

26. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat

Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

27. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

28. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

29. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

30. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2016</u>	<u>RISALAT/DOKUMEN</u>	<u>TARIKH DIBENTANGKAN</u>
ST. 15	Laporan Tahunan dan Penyata Kewangan Lembaga Pembangunan Pelaburan Malaysia (MIDA) Bagi Tahun 2014	23 Mac 2016
ST. 20	Laporan Tahunan dan Penyata Kewangan Universiti Teknikal Malaysia Melaka (UteM) Bagi Tahun 2014	23 Mac 2016
ST. 23	Laporan Tahunan dan Penyata Kewangan Universiti Utara Malaysia (UUM) Bagi Tahun 2014	23 Mac 2016
ST. 25	Laporan Tahunan dan Penyata Kewangan Yayasan Tunku Abdul Rahman (YTAR) Bagi Tahun 2014	23 Mac 2016